

**UDHËZIM**  
**Nr. 17, datë 14.7.2023**

**MBI KUSHTET SPECIFIKE DHE PROCEDURAT E DETAJUARA PËR IMPORTIN  
E MATERIALEVE NË KONTAKT ME USHQIMIN, ENËVE PLASTIKE TË  
KUZHINËS, POLIAMIDE DHE MELAMINE, ME ORIGINË OSE TË DËRGUARA  
NGA REPUBLIKA POPULLORE E KINËS DHE HONG KONGU<sup>1</sup>**

Në mbështetje të nenit 102, pika 4, të Kushtetutës, të nenit 38, të ligjit nr. 9863, datë 28.1.2008, “Për ushqimin”, të ndryshuar,

**UDHËZOJ:**

1. Ky udhëzim përcakton kushtet specifike dhe procedurat e detajuara për importin e materialeve në kontakt me ushqimin, enëve plastike të kuzhinës, poliamide dhe melamine, me origjinë ose të dërguara nga Republika Popullore e Kinës (në tekstin e mëtejshëm “Kina”) dhe Rajoni i Posaçëm Administrativ i Hong Kongut të Republikës Popullore të Kinës (në tekstin në vazhdim “Hong Kong”).

2. Për qëllime të këtij udhëzimi do të zbatohen përkufizimet e mëposhtme:

a) “enë plastike gatimi” nënkupton materiale plastike siç përshkruhen në udhëzimin nr. 12, datë 6.1.2017, “Për materiale dhe artikuj plastikë të përcaktuar të jenë në kontakt me ushqimin”, dhe që përfshihen në kodin CN ex 3924 10 00;

b) “dërgesë” nënkupton një sasi enë plastike kuzhine, poliamide ose melamine, mbuluar nga i njëjti dokument, të transportuara nga të njëjtat mjete transporti dhe që vijnë nga i njëjti vend i tretë;

c) “pika e parë e hyrjes” nënkupton pikën e hyrjes së një ngarkese në pikën e inspektimit kufitar;

ç) “kontroll dokumentar” nënkupton kontrollin e dokumenteve të përmendura në pikat 3 deri në 6 të këtij udhëzimi;

d) “kontroll identiteti” nënkupton një inspektim vizual për të siguruar që dokumentet që shoqërojnë ngarkesën përputhen me përmbajtjen e ngarkesës;

dh) “kontroll fizik” nënkupton marrjen e mostrave për analiza dhe testime laboratorike dhe çdo kontroll tjetër të nevojshëm për të verifikuar përputhjen me kërkesat në lidhje me çlirimin e PAA-së (amine aromatike primare) dhe formaldehidit të përcaktuara në udhëzimin nr. 12, datë 6.1.2017, “Për materiale dhe artikuj plastikë të përcaktuar të jenë në kontakt me ushqimin”.

3. Enë plastike gatimi poliamide dhe melamine me origjinë ose të dërguara nga Kina dhe Hong Kongu do të importohen vetëm nëse eksportuesi i paraqet AKU-së për çdo ngarkesë një deklaratë të plotësuar, në përputhje me çfarë kërkohet, duke konfirmuar se ngarkesa plotëson kërkesat në lidhje me lëshimin të aminave aromatike primare dhe formaldehidit, siç janë përcaktuar përkatësisht në shtojcën 2 dhe në shtojcën 1, të udhëzimit nr. 12, datë 6.1.2017, “Për materiale dhe artikuj plastikë të përcaktuar të jenë në kontakt me ushqimin”.

4. Modeli i deklaratës së përmendur në pikën 3 është paraqitur në shtojcën e këtij udhëzimi. Deklarata plotësohet në gjuhën shqipe, në gjuhën zyrtare të shtetit të Kinës dhe/ose në gjuhën angleze.

5. Deklarata e përmendur në pikën 3 shoqërohet nga një raport analizash laboratorike që siguron:

a) për sa u përket enëve poliamide të kuzhinës, rezultatet analitike të tregojnë se ato nuk çlirojnë në ushqime ose simulantë ushqimorë amina aromatike parësore në një sasi të dallueshme. Kufiri i zbulimit zbatohet për shumën e aminave aromatike primare. Për qëllimin e analizës është vendosur kufiri i zbulimit për aminat aromatike primare 0,01 mg/kg ushqim ose simulantë ushqimor;

---

<sup>1</sup> Ky udhëzim është përafuar pjesërisht me: Rregulloren e Komisionit (BE) nr. 284/2011, të 22 marsit 2011, e cila përcakton kushte specifike dhe procedura të detajuara për importin e enëve të kuzhinës plastike poliamide dhe melamine me origjinë ose të dërguara nga Republika Popullore e Kinës dhe Rajoni i Posaçëm Administrativ i Hong Kongut, Kinë.

b) për sa u përket enëve melamine të kuzhinës, rezultatet analitike të tregojnë se ato nuk çlirojnë në ushqime ose simulantë të ushqimit formaldehid në një sasi që kalon 15 mg/kg ushqim.

6. Inspektori i AKU-së dëshmon në deklaratën që shoqëron ngarkesën, nëse mallrat janë të pranueshme ose jo për t'u lëshuar në qarkullim të lirë, në varësi të faktit nëse ato përmbushin termat dhe kushtet e parashikuara në udhëzimin nr. 12, datë 6.1.2017, "Për materiale dhe artikuj plastikë të përcaktuar të jenë në kontakt me ushqimin", siç përcaktohet në pikën 3.

7. Importuesit ose përfaqësuesit e tyre duhet të njoftojnë inspektorin e AKU-së në PIK-un nga do të hyjë ngarkesa, të paktën dy ditë pune përpara datës dhe kohës së parashikuar të mbërritjes fizike të dërgesave me origjinë ose të dërguara nga Kina dhe Hong Kongu.

8. Autoriteti Kombëtar i Ushqimit në PIK kryen:

a) kontrole dokumentare për të gjitha dërgesat nga momenti i mbërritjes së tyre;

b) kontrollet e identitetit dhe fizik, duke përfshirë analizimin laboratorik të 10% të ngarkesave dhe në mënyrë të tillë që të mos jetë e mundur për importuesit ose përfaqësuesit e tyre të parashikojnë nëse ndonjë ngarkesë e veçantë do t'u nënshtrohet kontrolleve të tilla; rezultatet e kontrolleve fizike duhet të jenë të disponueshme sa më shpejt që të jetë e mundur teknikisht.

9. Nëse analiza laboratorike e përmendur në germën "b", të pikës 8, identifikon mospërputhje, Autoriteti Kombëtar i Ushqimit do të informojë menjëherë për rezultatet përmes Sistemit të Sinjalizimit të Shpejtë për Ushqimin dhe Ushqimin për Kafshë (RASFF).

9.1 Analizat e mostrave të marra kryhen në një laborator të akredituar brenda dhe/ose jashtë vendit, deri në ngritjen e kapaciteteve laboratorike të ISUV-it.

10. Inspektori i Autoritetit Kombëtar të Ushqimit në PIK mund të autorizojë transportin e mëtejshëm të ngarkesave me origjinë ose të dërguara nga Kina dhe Hong Kongu, në pritje të rezultateve të kontrolleve të përmendura në germën "b" të pikës 8.

11. Nëse inspektori në PIK jep autorizimin e përmendur në pikën 10, ai do të njoftojë DRAKU-në në pikën e destinacionit dhe do të japë një kopje të deklaratës së përcaktuar në shtojcë, të plotësuar siç parashikohet në pikat 3 deri në 6 të këtij udhëzimi, dhe rezultatet e kontrollet e përmendura në germën "b" të pikës 8, sapo këto të fundit të jenë të disponueshme.

12. DRAKU do të sigurojë që të vendosen masat e duhura për të garantuar që ngarkesat mbeten nën kontrollin e vazhdueshëm të tij dhe nuk mund të preken deri në pritje të rezultateve të kontrolleve të përmendura në germën "b" të pikës 8.

13. Lëshimi në qarkullim të lirë i enëve plastike të kuzhinës nga poliamidi dhe melamina me origjinë ose të dërguar nga Kina dhe Hong Kongu i nënshtrohet paraqitjes pranë autoriteteve doganore të deklaratës së përcaktuar në shtojcë të plotësuar, siç parashikohet në pikat 3 deri në 6.

14. Kur kryhen kontrollet e përmendura në pikën 8, Autoriteti Kombëtar i Ushqimit mban informacionin e mëposhtëm:

a) detajet e secilës ngarkesë të kontrolluar, duke përfshirë:

i. madhësinë për sa i përket numrit të artikujve;

ii. vendin e origjinës;

b) numrin e dërgesave që i nënshtrohen kampionimit dhe analizës;

c) rezultatet e kontrolleve të përmendura në pikat 8 dhe 9 të këtij udhëzimi.

15. Autoriteti Kombëtar i Ushqimit i paraqet Ministrisë një raport që përfshin informacionin e përmendur në pikën 14, brenda datës 31 mars të çdo viti.

16. Autoriteti Kombëtar i Ushqimit informon OBU-në për plotësimin e deklaratës për çdo ngarkesë të enëve plastike të gatimit, poliamide dhe melamine, me origjinë ose të dërguar nga Republika Popullore e Kinës dhe Rajoni i Posaçëm Administrativ i Hong Kongut, Kinë.

17. Për zbatimin e këtij udhëzimi ngarkohen, Ministria e Bujqësisë dhe Zhvillimit Rural, Autoriteti Kombëtar i Ushqimit dhe Instituti i Sigurisë Ushqimore dhe Veterinarisë.

Ky udhëzim botohet në Fletoren Zyrtare dhe hyn në fuqi më 30 shtator 2024.

MINISTËR I BUJQËSIA DHE ZHVILLIMIT RURAL

**Frida Krifca**

SHTOJCA  
 DEKLARATË QË DUHET DHËNË PËR ÇDO NGARKESË TË ENËVE PLASTIKE TË GATIMIT,  
 POLIAMIDE DHE MELAMINE, ME ORIGJINË OSE TË DËRGUAR NGA REPUBLIKA POPULLORE E  
 KINËS DHE RAJONI I POSAÇËM ADMINISTRATIV I HONG KONGUT, KINË

Emri dhe adresa e plotë (përfshirë nr. e telefonit ose <i>e-mail</i> ) të personit fizik ose juridik që lëshon këtë deklaratë	
Emri dhe adresa e plotë (përfshirë nr. e telefonit ose <i>e-mail</i> ) të operatorit/ve të biznesit që prodhojnë enët plastike të kuzhinës, të ngarkesës	
Emri dhe adresa e plotë (përfshirë nr. e telefonit ose <i>e-mail</i> ) të operatorit të biznesit, i cili është përgjegjës për futjen në PIK të ngarkesës	
Kodi identifikues i ngarkesës:  Lloji dhe numri i artikujve në ngarkesë:  Kjo ngarkesë përmban enë gatimi plastike të bëra nga:  <input type="checkbox"/> Poliamidi      - Janë kryer teste analitike që tregojnë se artikujt nuk çlirojnë PAA në një sasi të dallueshme  - Kufiri i zbulimit të metodës së përdorur është .....  - Rezultatet e këtyre testeve, si dhe përshkrimi i metodës së analizës së përdorur janë bashkëngjitur këtij dokumenti  <input type="checkbox"/> Melamine      - Janë kryer teste analitike që tregojnë se artikujt nuk çlirojnë formaldehyd në një sasi që tejkalon SML prej 15 mg/kg  - Rezultatet e këtyre testeve, si dhe përshkrimi i metodës së analizës së përdorur janë bashkëngjitur këtij dokumenti	
Lista e dokumenteve të aneksuara që konfirmojnë se ngarkesa plotëson kërkesat në lidhje me çlirimin e amineve aromatike primare ose formaldehydit të përcaktuar në udhëzimin nr. 12, datë 6.1.2017, “Për materiale dhe artikuj plastikë të përcaktuar të jenë në kontakt me ushqimin”.	
I nënshkruari, si importues i ngarkesës, konfirmon se një ngarkesë e tillë plotëson	Vendi dhe data

<p>kërkesat në lidhje me çlirimin e amineve aromatike primare ose formaldehidit të përcaktuara në udhëzimin nr. 12, datë 6.1.2017, “Për materiale dhe artikuj plastikë të përcaktuar të jenë në kontakt me ushqimin”.</p>	<p>Emri i nënshkruesit</p> <p>Nënshkrimi</p> <p>Adresa e plotë (duke përfshirë nr. e telefonit dhe <i>e-mail</i>)</p>
<p>Deklarata e autoritetit kompetent për ngarkesën</p>	<p>I pranueshëm për lëshim në qarkullim të lirë:</p> <p>Konform <input type="checkbox"/></p> <p>Jo konform <input type="checkbox"/></p> <p>Vendi dhe data</p> <p>Emri i nënshkruesit</p> <p>Nënshkrimi</p> <p>Adresa e plotë (duke përfshirë nr. e telefonit dhe <i>e-mail</i>)</p>